

Gvangjsih Minzczu Bau

ganhhau: CN45-0036 B.2013 Nd.11 Ng.6 liggaeuq gveiqceih nienz ndwencib coseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3097期

Ningzmingz Yen Gyarengz Guh Vwnzva Gihcu Sezsih Coicaenh Vwnzva Minzczu Fazcanj

宁明县加强文化基础设施建设促进民族文化发展

Gaenh bi daeuj, Ningzmingz Yen mboujduenh demlai roengzcienz guh vwnzva gihcu sezsih, gyagiengz vwnzva duivuj gensez, fungfouq vwnzva hozdung neiyungz, coicaenh vwnzva minzczu fazcanj, aeundaiej cwngzau yienhda.

It dwg gensez buek vwnzva gihcu sezsih he, vih fazcanj vwnzva minzczu daezhawj giekdaj maenh. 2008 nienz, aen yienh neix roengz 1.8 ik maenz laebbaenz Byaraiz Vwnzva Gvangjancz, baenz gizdieg cujau ndaw yienh neix guh gvangjancz vwnzyi yienjok nem ginzung lienhdang; daj 2008 nienz daengz 2012 nienz, daengx yienh gungh roengz 300 lai fanh maenz guh baenz

74 aen mbanj gaep lanzgiuzcangz; roengz 600 lai fanh maenz, guh baenz 154 aen "ranzsa nungzgya" caemhcaiq ndaej yungh, daezgonq saedyienh aen muzbyauh "ranzsa nungzgya" laeb doh hingzcwngcunh. Ngeih dwg gyagiengz gensez buek vwnzva donzdij he, vih fazcanj vwnzva minzczu daezhawj vunzcaiz. Dangqanaj, aen yienh neix vwnzyoz、yinhyoz、suhfaz、meijsuz、sezyingj、heiq foux、fwen 7 aen hezvei gungh miz veiyenz 430 vunz, ndawde miz doenghboux gyahaeuj guekgia gaep vwnzyi hezvei haenx 2 boux, gyahaeuj swngj gaep vwnzyi hezvei haenx 29 boux. Doengzseiz, gyoebbaenz 60 lai aen vwnzyidui ndawbiengz, yenj-

yeniz miz 900 lai vunz. Sam dwg biensij buek vwnzyi cozbij he, vih fazcanj vwnzva minzczu daezhawj neiyungz engq lai. Aen yienh neix gujli bienguh cozbij vwnzva minzczu, haenqrengz daezsang gij mingzdaeuz vwnzva minzczu. Gaenh bi daeuj, 60 lai gienh(bien) cozbij maenhndei youz bouxvwnzyi ndaw yienh cauxok haenx ndaej guekgia ciengj, 150 lai gienh(hangh) ndaej swcigih ciengj、si ciengj, ndawde Caianh Yangh Sinningz Segih caijdiuidi gij cozbij 《Cingz Caijdiu Cienz Henzguk》lij ndaej "hungzyangz Gvangjsih cingsaenz" bingzbeij samdaengjciengj.

(Hoz Bingzswng)

SIUSIK DINJ

简讯

● Bineix, Denhdwngj Yen gungh fat 3.2 fanh maenz hawj 16 boux hagseng maenhndei youh daegbied gunghzhoj haenx. Ndwade, 8 boux hwnj gauhcungh, 8 boux hwnj dayoz.

(Luz Linzhuj)

● Bineix, Ningzmingz Yen Bwzgyangh Yangh daihgaiq roengz 83 fanh maenz youq Liengzanh Yangh Mbanjnenhauj、Mbanjnaz-moh、Cihshuh Cunh Mbanjnazvang daengj mbanj, roengz cienz rengz guh "Gvangjsih gyaundeij • lajmbanj seuqcengh", vunzlai haenhndei.

(Couh Yizganh Couh Sinh-dauz)

● Geij ngoenz gonq, Nungz-yezbu gunghbu "2012 ceiq miz yingyangliz Cunghgoz nungzcanj-bij ranghdieg goengyungb binjbaiz", ndawde makndae、makgam Gunghcwngz 2 cungj doenghyienh nungzyez mizmingz neix ndaej bingz guh cungj binjbaiz neix.

(Gingh Yungj Moz Yaujhanz)

● Yungzanh Yen haenqrengz gajguh daezsang conzdungj canj-yez. Daengz 8 nyied daej, aen yienh neix guhsat digih swnghecanj cungjiz 19.57 ik maenz, doengz-beij demhwnj 9.5%; daengx sevei guding swhecanj roengzngaenz 37.7 ik maenz, demhwnj 18.5%; gveih-moz gunghyez cungjcanjiz 21.11 ik maenz, doengzbeij demhwnj 9%.

(Vei Gangh Vei Cujswz)

● Gaenh geij bi daeuj, Nazboh Yen Cwngzsiengh Cin gonqlaeng anbaiz cienznagaenz gajguh ranzyiemj, Dazlaz Cunh Mbanjdazlaz nem Cejlanz Cunh Mbanjcejlaz, bangcoengh ginz-cung Yizcuz hwnj ranzlaeuz moq 51 aen, roengz 60 lai fanh maenz youq song aen mbanj guh ranz cunhveij aen he, daizheiq aen he, gvangj-cangz diuqfoux aen he, giuzcangz aen he, guh roensuijniz diuz he 2000 lai bingzfanghmij.

(Vangz Bizvaz Liengz Feih-lungz)

Ginhsiu: Gyoengq Nyez Yauzczu Angq Ciengq Go Minzczu



金秀: 瑶娃欢唱民族歌曲

10 nyied 30 hauh, Ginhsiu Yauzczu Swciyen Minzczu Siuzyoz gawjhengz "sing go ndeidingq • hagdangz huzndei" habciengq hung doxdax. Aen yienh neix gyauryzgiz daj bineix 4 nyied daengz 12 nyied cujiz daengx yienh cungh siuj yozyau gaihanj hagdangz habciengq doxdax hozdung. Aen yozyau neix aeu habciengq doxdax guh gihvei, hawj vunzlai ndaw hagdangz doxcanj ciengq go minzczu, gyoengq hagseng aeu go bae yienh'ok gij gamjingz gyaaz guekcoj haenx. Ndw doz dwg aen yozyau neix gyoengq hagseng Yauzczu cingq angq ciengq go minzczu.

(Vangz Siufung ingj)

Cunh Suhgi Ciuq Dieg Bae Dazyinx Vunzlai Baenzfouq

村书记因地制宜引领群众致富

Gingyangz Cunh dwg aen cunh youq Vanzgyangh Mauznanzcuz Swciyen Yananz Yangh baihsae, liz yangh cwngfuj 12 goengleix, dwg aen mbanj gungzhoj, hix dwg aen mbanj guh daengx mbanj doihaeuj haifat fuzbinz he(daengx gih gungh miz gij mbanj neix 300 aen). Hoeng, Gingyangz Cunh gij swhyenz lajfaex fungfouq, lij miz giz fazcanj haemq lai. Aen cunh neix miz 40000 moux ndoengfaex swnghdai nem 1000 moux faex aeu diegreih doiq ndaem, ndoeng mwn faex lai, bya ndoi gyaundeij.

Bi' gvaq 4 nyied, Vangz Yauj-

hungz caiq daengz Vanzgyangh Mauznanzcuz Swciyen Yananz Yangh Gingyangz Cunh dang suhgi daeuz. De rox gij cingzgvang aen cunh neix liux, roengzsim fazcanj lajfaex dajndaem. De cungfaen fazveih gij cozyung gyoengq ganbu "song veij" "song daiq" caeuq gij cozyung dangiyenz guhyienh nem dazyinx haenx, leihyungj gij danhvei baengh、giyez gien doenghgij cienznagaenz guh canjyez fuzbinz, aeu diemj daiq mienh, fatdoengh vunzlai camgya, guhdaengz aen muzbyauh saedyienh duet hoj baenzfouq、daengx mbanj doihaeuj. Youz de dazyinx,

gyoengqvunz mbanj gungzhoj doxcanj haenqrengz fazcanj swnghdai daj-ciengx canjyez、duet hoj baenzfouq, doenghboux ciengzgeiz youq baihrog guhhong haenx dauq ranz cangyez, baenz bouxak guh lajfaex dajndaem haenx. Aen canjyez dajciengx moubya youz de dazyinx haenx cwngzau yienhda. Bineix daengz byai, ciengx miz mou 800 daengz 1000 duz, ndaej gai 250 daengz 300 duz, canjiz miz 300 lai fanh maenz, gai mou souhaeuj 90 lai fanh maenz, canh ndaej mauhgvaq 30 fanh, moix boux laisou 870 lai maenz.

(Hoz Youjsuz)